

ԳԻՏԱԿԱՆ ԵՎ ԳԻՏՍՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ԵՆԹԱԿԱՌՈՒՑՎԱԾՔԻ ՊԱՀՊԱՆՄԱՆ ՈՒ ԶԱՐԳԱՑՄԱՆ ԾՐԱԳՐԻ ԻՐԱԿԱՆԱՑՄԱՆ ՀԱՄԱՐ ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ԶԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

«_____» _____ 20.. թ.

Հայաստանի Հանրապետության գիտությունների ազգային ակադեմիան (այսուհետ՝ ՀՀ ԳԱԱ), ի դեմս նախագահ Աշոտ Մաղյանի, որը գործում է ՀՀ ԳԱԱ-ի կանոնադրության հիման վրա, մի կողմից, և «ՀՀ ԳԱԱ Մոլեկուլային կենսաբանության ինստիտուտ» ՊՈԱԿ-ը (այսուհետ՝ Կազմակերպություն), ի դեմս տնօրեն Արսեն Առաքելյանի, որը գործում է Կազմակերպության կանոնադրության հիման վրա, մյուս կողմից (այսուհետ՝ միասին՝ Կողմեր), հիմք ընդունելով Հայաստանի Հանրապետության կառավարության 2001 թվականի նոյեմբերի 17-ի N 1121 որոշումը (այսուհետ՝ Որոշում), «Մարդու, կենդանիների, բույսերի ֆունկցիոնալ և պոպուլյացիոն գենոմիկա և բջջային ակտիվության կարգավորում» ծրագրի (այսուհետ՝ Ծրագիր) իրականացման նպատակով կնքեցին սույն պայմանագիրը (այսուհետ՝ Պայմանագիր)՝ հետևյալի մասին.

1. Պայմանագրի առարկան

1.1. Պայմանագրով ՀՀ ԳԱԱ-ն պարտավորվում է ծրագրի իրականացման նպատակով Կազմակերպությանը հատկացնել Հայաստանի Հանրապետության 2022 թվականի պետական բյուջեով նախատեսված 227,253.800 (երկու հարյուր քսանյոթ միլիոն երկու հարյուր հիսուներեք հազար ութ հարյուր) ՀՀ դրամ գումար, իսկ Կազմակերպությունը պարտավորվում է Ծրագիրն իրականացնել Որոշմամբ և Պայմանագրով սահմանված կարգով:

1.2 Պայմանագրի գնի մասին համաձայնության արձանագրությունը, Ծրագրի առաջադրանքը, *այդ թվում՝ նպատակը*, օրացուցային պլանը, *այդ թվում՝ ակնկալվող արդյունքները, դրանց որակական և քանակական ցուցանիշները*, նախահաշիվը և կատարողների մասին տեղեկությունները ներկայացված են Պայմանագրի հավելվածներում:

2. Կողմերի իրավունքները և պարտավորությունները

2.1 ՀՀ ԳԱԱ-ն իրավունք ունի՝

2.1.1 Կազմակերպությունից պահանջելու կատարել Պայմանագրի 2.4 կետով նախատեսված պարտավորությունները,

2.1.2 ցանկացած ժամանակ ստուգելու Կազմակերպության կողմից իրականացվող Միջոցառումների ընթացքը և որակը՝ առանց միջամտելու վերջինիս գործունեությանը,

2.1.3 չընդունելու իրականացված Միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և Կազմակերպությունից պահանջելու վճարել Պայմանագրի 6-րդ մասով նախատեսված տուգանքը,

2.1.4 առանց իրականացված Միջոցառումների արդյունքների դիմաց գումար տրամադրելու՝ միակողմանի լուծելու Պայմանագիրը և պահանջելու հատուցել պատճառված վնասները, եթե՝

2.1.4.1 Կազմակերպությունը ժամանակին չի սկսում Ծրագրի իրականացումը, կամ Ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,

2.1.4.2 Կազմակերպությունը երկու և ավելի անգամ խախտել է Ծրագրով նախատեսված Միջոցառումների իրականացման ժամկետները (նախատեսված լինելու դեպքում),

2.1.4.3 իրականացված Միջոցառումները չեն համապատասխանում Ծրագրով սահմանված պահանջներին,

2.1.5 Պայմանագիրն օրենքով կամ Պայմանագրով նախատեսված հիմքերով լուծելու դեպքում պահանջելու իրեն հանձնել անավարտ Միջոցառումների արդյունքները:

2.2 Կազմակերպությունն իրավունք ունի՝

2.2.1 ՀՀ ԳԱԱ-ի կողմից գումարները չվճարվելու դեպքում միակողմանի լուծելու Պայմանագիրը և պահանջելու հատուցել իրեն պատճառված վնասները,

2.2.2 Ծրագրի կատարման համար, օրենսդրությամբ սահմանված կարգով, ներգրավելու երրորդ անձանց,

2.2.3 ՀՀ ԳԱԱ-ի գրավոր համաձայնությամբ այլ կազմակերպություններին հանձնել կատարված աշխատանքների արդյունքները:

2.3 ՀՀ ԳԱԱ-ն պարտավոր է՝

2.3.1 Ծրագրով նախատեսված դեպքերում աջակցել Կազմակերպությանը,

2.3.2 ընդունել համապատասխան որոշում՝ իրականացված Միջոցառումների մասին ներկայացված տարեկան հաշվետվության վերաբերյալ,

2.3.3 ստուգել ու ամփոփել Կազմակերպության կողմից Ծրագրի իրականացման ենթակա գործառնությունների գծով ձեռք բերված քանակական ու որակական ցուցանիշների վերաբերյալ տեղեկությունների հիման վրա հաշվարկված գումարի չափի մասին հաշվարկները և իր եզրակացության հետ միասին դրանք ներկայացնել Հայաստանի Հանրապետության ֆինանսների նախարարություն՝ վերջինիս կողմից սահմանված կարգով և ժամկետներում:

2.4 Կազմակերպությունը պարտավոր է՝

2.4.1 Ծրագիրը կատարել անձամբ,

2.4.2 Ծրագիրը կատարել առաջադրանքին համապատասխան և դրա արդյունքը ՀՀ ԳԱԱ հանձնել սահմանված ժամկետում,

2.4.3 Պայմանագրով նախատեսված ֆինանսական միջոցներն օգտագործել Ծրագրով և Պայմանագրով սահմանված նպատակներով ու չափաքանակներով,

2.4.4 կատարել ՀՀ ԳԱԱ-ի կողմից բացահայտված թերությունների վերացման նպատակով տրված ցուցումները,

2.4.5 աշխատանքի ակնկալվող արդյունքի ստացման անհնարիության հայտնաբերման կամ աշխատանքը շարունակելու աննպատակահարմարության մասին եռօրյա ժամկետում տեղեկացնել ՀՀ ԳԱԱ,

2.4.6 ՀՀ ԳԱԱ ներկայացնել հաշվետու ժամանակաշրջանում Պայմանագրի շրջանակներում վճարման գումարի չափի վերաբերյալ հայտ (այսուհետ՝ Հայտ)՝ մինչև հաշվետու ամսվան հաջորդող ամսի 10-ը: Հայտում նշվում է Պայմանագրի շրջանակներում Կազմակերպության կողմից ծրագրի իրականացման ենթակա գործառույթների գծով ձեռք բերված քանակական ու որակական ցուցանիշների վերաբերյալ տեղեկություններ և դրանց հիման վրա հաշվարկված գումարի չափի մասին մանրամասն հաշվարկներ,

2.4.7 Պայմանագրի նախահաշվում ֆինանսական ցուցանիշներից շեղումների դեպքում ՀՀ ԳԱԱ ներկայացնել հիմնավորում,

2.4.8 իրականացնել Ծրագրի շրջանակներում ՀՀ ԳԱԱ-ի կողմից տրամադրված գումարների՝ Հայաստանի Հանրապետության օրենսդրությամբ սահմանված հաշվապահական հաշվառում,

2.4.9 Ծրագրի ավարտից հետո ՀՀ ԳԱԱ ներկայացնել միջոցառումների իրականացման մասին տարեկան հաշվետվություն՝ դրան կցելով գիտական ծրագրի հաշվետվության հանձնման-ընդունման արձանագրություն,

2.4.10 Պայմանագրի գործողության ընթացքում ապահովել Ծրագրի իրականացմանը վերաբերող փաստաթղթերին ծանոթանալու ՀՀ ԳԱԱ-ի հնարավորությունը,

2.4.11 Ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան,

2.4.12 Պայմանագրով նախատեսված միջոցառումների իրականացման արդյունքում առաջացած տնտեսումները/խնայողությունները վերադարձնել Հայաստանի Հանրապետության պետական բյուջե՝ ոչ ուշ, քան մինչև ընթացիկ տարվա դեկտեմբերի 25-ը:

3 Ծրագրի ֆինանսավորման չափը

Ծրագրի ֆինանսավորման չափը կազմում է 227,253,800 (երկու հարյուր քսանյոթ միլիոն երկու հարյուր հիսուներեք հազար ութ հարյուր) ՀՀ դրամ:

4 Մոնիթորինգ

4.1 ՀՀ ԳԱԱ-ն ցանկացած ժամանակ կարող է իրականացնել մոնիթորինգ՝ ուսումնասիրելով Ծրագրին առնչվող փաստաթղթեր և նյութեր:

4.2 Մոնիթորինգն իրականացվում է համաձայն Հայաստանի Հանրապետության կրթության, գիտության, մշակույթի և սպորտի նախարարի 20.05.2020 թվականի N 638-Ա/2 հրամանով հաստատված «Հայաստանի Հանրապետության պետական բյուջեի ֆինանսավորմամբ իրականացվող գիտական և գիտատեխնիկական գործունեության ծրագրերի և թեմաների մշտադիտարկման կարգի»:

5 Վճարման կարգը և ժամկետները

5.1 ՀՀ ԳԱԱ-ն Կազմակերպությանը վճարումները կատարում է Հայտն ընդունելու օրվան հաջորդող 20 աշխատանքային օրվա ընթացքում, եթե Ծրագրով սահմանված չեն վճարումների կատարման այլ կարգ և ժամկետներ:

5.2 ՀՀ ԳԱԱ-ն Պայմանագրի գինը վճարում է Պայմանագրում նշված Կազմակերպության հաշվարկային հաշվին փոխանցելու միջոցով, որն ըստ եռամսյակների բաշխվում է հետևյալ կերպ. բյուջետային տարվա 1-ին եռամսյակում՝ 20 տոկոս, 2-րդ եռամսյակում՝ 25 տոկոս, 3-րդ եռամսյակում՝ 25 տոկոս, 4-րդ եռամսյակում՝ 30 տոկոս:

6 Կողմերի պատասխանատվությունը

Պայմանագրով և Ծրագրով նախատեսված պարտավորությունների չկատարման կամ ոչ պատշաճ կատարման դեպքում Կազմակերպությունը պարտավորվում է փոխհատուցել չիրականացված Միջոցառման չափով և վճարել տուգանք՝ չիրականացված Միջոցառման համար նախատեսված գումարի 1 տոկոսի չափով: Ընդ որում, տուգանքի վճարումը Կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: ՀՀ ԳԱԱ-ն սույն կետով նախատեսված գումարները հաշվարկում և հաշվանցում է Կազմակերպությանը վճարվելիք գումարներից:

7 Պայմանագրի գործողության ժամկետը

Պայմանագիրն ուժի մեջ է մտնում Կողմերի ստորագրման պահից և գործում է մինչև Կողմերի ստանձնած պարտավորությունների՝ ամբողջ ծավալով կատարումը:

8 Անհաղթահարելի ուժի ազդեցությունը (ՖՈՐՍ-ՄԱԺՈՐ)

Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ դրա մասին նախապես տեղյակ պահելով մյուս կողմին:

9 Եզրափակիչ դրույթներ

9.1 Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են Կողմերի կողմից:

9.2 Պայմանագիրը կնքվում է երկու օրինակով, որոնք ունեն հավասար իրավաբանական ուժ: Յուրաքանչյուր կողմին տրվում է Պայմանագրի մեկ օրինակ: Պայմանագրի անբաժանելի մասն է Կազմակերպության կողմից ՀՀ ԳԱԱ ներկայացված Ծրագրի հայտը:

9.3 Պայմանագրով նախատեսված պարտավորությունների չկատարման հետ կապված, ինչպես նաև Պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10 Կողմերի հասցեները, բանկային վավերապայմանները և ստորագրությունները

ՀՀ Գիտությունների ազգային ակադեմիա


ք. Երևան, Մարշալ Բաղրամյան 24

Հ/հ 900011024115,

ՀՎՀՀ 02704199

ՀՀ ՖՆ գործառնական վարչություն

Նախագահ՝


(ստորագրություն)



ՀՀ ԳԱԱ Մոլեկուլային կենսաբանության ինստիտուտ


ք. Երևան, Հասարայան 7

Հ/հ 900018005273,

ՀՎՀՀ 00008732

ՀՀ ՖՆ գործառնական վարչություն

Տնօրեն՝


(ստորագրություն)

ԱՐՄԵՆ ԱՌԱՔԵԼՅԱՆ



Ծրագրի գիտական ղեկավար՝ _____
(ստորագրություն)

(ԱՐՄԵՆ ԱՌԱՔԵԼՅԱՆ)

Հավելված N 1
27 01 2022
Կայմանագրի

ԱՐՁԱՆԱԳՐՈՒԹՅՈՒՆ
ՊԱՅՄԱՆԱԳՐԻ ԳՆԻ ՄԱՍԻՆ ՀԱՄԱՁԱՅՆՈՒԹՅԱՆ

Մենք՝ ներքոստորագրյալներս, ՀՀ գիտությունների ազգային ակադեմիայի նախագահ Աշոտ Սաղյանը և Կազմակերպության տնօրեն Արսեն Առաքելյանը, վկայում ենք, որ Կողմերը համաձայնություն են ձևոք բերել «___» _____ 20.. թ. N _____ պայմանագրով աշխատանքի գնի վերաբերյալ՝ 227,253,800 (երկու հարյուր քսանյոթ միլիոն երկու հարյուր հիսուններեք հազար ութ հարյուր) ՀՀ դրամ գումարի չափով:

Սույն արձանագրությունը հիմք է Կողմերի միջև փոխադարձ հաշվարկների և վճարումների համար:

ՀՀ ԳԱԱ

Կազմակերպություն

Նախագահ՝

Տնօրեն


(ստորագրություն)


(ստորագրություն)

ԱՇՈՏ ՍԱՂՅԱՆ

ԱՐՏԵՆ ԱՌԱՔԵԼՅԱՆ



ԱՌԱՋԱԴՐԱԼՔ

«Մարդու, կենդանիների, բույսերի ֆունկցիոնալ և պոպուլյացիոն գենոմիկա և բջջային ակտիվության կարգավորում» ծրագրի

1. Աշխատանքի կատարման հիմքը՝ Հայաստանի Հանրապետության 2022 թվականի պետական բյուջե:

2. Աշխատանքի նպատակը (1 պարբերություն):

ՀՀ ԳԱԱ Մոլեկուլային կենսաբանության ինստիտուտի ենթակառուցվածքի պահպանում: Մարդու և կենդանիների վտանգավոր բազմագործոն բնույթի հիվանդությունների ծագման, զարգացման և բարդացման հիմքում ընկած մոլեկուլաբջջային պաթոմեխանիզմների պարզաբանում, պոպուլյացիաների գենոմի ուսումնասիրություն, բնական և սինթեզված ակտիվ նյութերի ազդեցության կենսաբանական էֆեկտների և մեխանիզմների հետազոտություն, կարևորագույն նշանակություն ունեցող կիրառական հետազոտություններ:

3. Աշխատանքին ներկայացվող հիմնական պահանջները (մինչև 1 էջ):

Շենքային պայմանների պահպանում, կոմունալ վճարների ժամանակին կատարում, կոմունալ պայմանների ապահովում: Բազային, դրամաշնորհային և թեմատիկ ֆինանսավորման ծրագրերի շրջանակում իրականացվող հետազոտությունների վարչարարական աջակցություն և աշխատանքային պայմանների ապահովում:

4. Աշխատանքի բովանդակությունը (մինչև 3 էջ):

Ենթակառուցվածքի պահպանման շրջանակներում նախատեսվում է ապահովել էլեկտրաէներգիայի, ջրի, ջեռուցման անխափան աշխատանք, սարքերի աշխատանքային վիճակ, հետազոտությունների ամփոփման համար նվազագույն պարագաների և նյութերի ձեռքբերում՝ ընթացիկ հետազոտությունների և դրամաշնորհային ծրագրերի իրականացման նպատակով:

Մարդու և կենդանիների վտանգավոր բազմագործոն բնույթի հիվանդությունների ծագման, զարգացման և բարդացման հիմքում ընկած մոլեկուլաբջջային պաթոմեխանիզմների պարզաբանման շրջանակներում նախատեսվող հետազոտական խնդիրներն են.

- ուսումնասիրել ոչ վարակիչ քրոնիկ հիվանդությունների (սրտի և ուղեղի իշեմիկ հիվանդություն, կրծքագեղձի քաղցկեղ, ընտանեկան միջերկրածովյան տենդ, դիաբետ) զարգացման գենետիկական ռիսկերը և մոլեկուլային մեխանիզմները,
- հետազոտել քրոնիկ լիմֆոցիտար լեյկեմիայի ժամանակ մանր և խոշոր չափի նեոպլաստիկ բջիջների իմունոֆենոտիպերի և կենսաբանական ֆունկցիաների (պրոլիֆերացիա, ապոպտոզի ակտիվացում, իմունոզլոբուլինների և ցիտոկինների արտադրություն) տարբերությունները և դրանց կլինիկական նշանակությունը,

- հետազոտել կալիումական Kv2 անցուղիների մուտացիաների հետևանքով առաջացող էպիլեպտիկ էնցեֆալոպաթիայի և նեյրոգարգացման հիվանդությունների ախտաբանական մեխանիզմները *in vitro* պայմաններում,
- ուսումնասիրել կենսաակտիվ լիպիդային միջնորդների և ֆոսֆոհոսֆոտրանսֆերազ-3-կինազային ուղու դերը միակորիզ բջիջների ակտիվացման գործընթացում աուտոբորբոքային և ուռուցքային հիվանդությունների ժամանակ,
- գնահատել կրեատինի ռադիոմոդիֆիկացնող ազդեցությունը մի շարք ուռուցքային և առաջնային բջջային կուլտուրաների վրա ճառագայթման թերապևտիկ դոզաների պայմաններում,
- ուսումնասիրել խոզերի աֆրիկյան ժանտախտի վիրուսի հնարավոր ռեպլիկացիան և (կամ) կայունության պատճառները հնարավոր վեկտորներում (արյունածուծ միջատներ, շիճուկով սնվող անողնաշարավորներ և սզրուկներ), որի համար նախատեսվում է կառուցել ինսեկտարիում՝ *Aedes* տեսակի մոծակների բազմացման նպատակով,
- ուսումնասիրել Հայաստանում առավել տարածված բակտերիալ ծագում ունեցող աղիքային վարակների հարուցիչների հակամանրէային դեղամիջոցների նկատմամբ կայունության տարածմանը նպաստող մոբիլ գենետիկական տարրերը:

Պոպուլյացիաների գենոմի ուսումնասիրության շրջանակներում նախատեսվող հետազոտական խնդիրներն են՝

- ուսումնասիրել Արցախի վերին քարեդարյան Քարին Տակ քարանձավի 2018-2020 թվականների պեղումների ընթացքում հավաքագրված բրածո նյութի կենդանական և բուսական բազմազանությունը,
- ուսումնասիրել հայկական պոպուլյացիայում քրոնիկ հիվանդությունների հետ ասոցացված գենետիկական վարիանտների հաճախականությունները գենոմի մակարդակով,
- իրականացնել սեքվենավորված վայրի խաղողի ամբողջական գենոմների կենսահինգրոմատիկական վերլուծություն, բիոտիկ և աբիոտիկ սթրեսի նկատմամբ կայունության գենոտիպ-ֆենոտիպային ուսումնասիրություն և պատվաստման արդյունավետության վրա ազդող մի շարք վիրուսների մոլեկուլային նույնականացում: Բնական և սինթեզված ակտիվ նյութերի ազդեցության կենսաբանական էֆեկտների և մեխանիզմների հետազոտության շրջանակներում նախատեսվող հետազոտական խնդիրներն են՝
- ուսումնասիրել տարբեր հակավիրուսային միացությունների ազդեցությունը խոզերի աֆրիկյան ժանտախտի վիրուսի վաղ և ուշ փուլերի սպիտակուցների սինթեզի վրա,
- իրականացնել տուբուլինի պոլիմերիզացման նոր ինհիբիտորների *in silico* որոնում, որոնք կարող են դառնալ նոր և ավելի արդյունավետ ցիտոստատիկ դեղամիջոցների ստեղծման հիմք,


- ուսումնասիրել քաղցկեղային բջիջներում ինդուկցված տարբեր մակարդակի ԴՆԹ-վնասվածքների (միաշղթա և (կամ) երկշղթա ԴՆԹ-ի կտրվածքներ, վնասված պուրիններ/պիրիմիդիններ) պատասխան ռեպարացիոն ուղիների, այդ թվում՝ հոմոլոգ ռեկոմբինացիայի ուղի, ոչ հոմոլոգ ԴՆԹ-ի ծայրերի միացման ուղի, այլընտրանքային ոչ հոմոլոգ ԴՆԹ-ի ծայրերի միացման ուղի և հիմքերի էքսցիզիոն ռեպարացիայի ուղի, ակտիվացման օրինաչափությունները:

Կարևորագույն նշանակություն ունեցող կիրառական հետազոտություններն ուղղված են ախտորոշիչ թեստ համակարգերի մշակմանը, նախակլինիկական և թունաբանական փորձարկումների իրականացմանը՝ արտահանման ենթակա ապրանքատեսակների սերտիֆիկացիայի համար պետական հավատարմագրման մարմինն ներկայացնելու նպատակով, ինչպես նաև կենսաբանական նմուշների, նմուշառման պարագաների, ախտորոշիչ հավաքածուների փորձարկման և փոքրածավալ արտադրության ենթակառուցվածքի հիմնադրմանը:

Այլ գործունեություն՝

- միջազգային և տեղական դրամաշնորհային նախագծերի ներկայացում,
- հոդվածների, դրամաշնորհային հայտերի փորձագիտական գրաքննություն (peer-review),
- ՀՀ կառավարության գերատեսչությունների ներկայացրած նախագծերի ոլորտային փորձագիտական կարծիքի տրամադրում,
- երիտասարդ կադրերի մասնագիտական հմտությունների կատարելագործում և դասավանդում:

5. Ակնկալվող արդյունքները. աշխատանքային պայմանների ապահովում, որոնք թույլ կտան զբաղվել այլ ֆինանսական միջոցներով (տեղական և միջազգային դրամաշնորհներ, ծառայությունների մատուցում, դրամահավաքներ և այլն) իրականացվող գիտահետազոտական և գիտակրթական գործունեությամբ, իրականացված աշխատանքների արդյունքների տպագրություն գիտական հոդվածների տեսքով Web of Science, Scopus միջազգային գիտատեղեկատվական շտեմարաններում ընդգրկված ամսագրերում:




ՕՐԱՑՈՒՑԱՅԻՆ ՊԼԱՆ *


«Մարդու, կենդանիների, բույսերի ֆունկցիոնալ և պոպուլյացիոն գենոմիկա և բջջային ակտիվության կարգավորում» ծրագրի

Իրականացվելիք միջոցառման						
h/h	անվանումը	համառոտ բովանդակությունը	կատարման ենթակա գործառնությունների նկարագիրը	ակնկալվող արդյունքները, դրանց որակական և քանակական ցուցանիշները (այդ թվում՝ Հավելված N 2-ի 5-րդ կետում նշված ակնկալվող արդյունքները)	կատարման ժամկետները	պահանջվող գումարը (հազար դրամ)
1	Ենթակառուցվածքի պահպանում, ընթացիկ հետազոտություններ	Շենքային, կոմունալ և աշխատանքային պայմանների ապահովում, «Մարդու, կենդանիների, բույսերի ֆունկցիոնալ և պոպուլյացիոն գենոմիկա և բջջային ակտիվության կարգավորում» ծրագրով նպատակադրված ընթացիկ հետազոտությունների իրականացում	Վարչարարական, փորձարարական և տեսական, գիտակրթական աշխատանք, տվյալների վերլուծություն և ամփոփում, հոդվածների, նախագծերի պատրաստում	Web of Science, Scopus շտեմարաններում ընդգրկված ամսագրերում գիտական հոդվածներ, գիտական նախագծերի ներկայացում տեղական և միջազգային կազմակերպություններ, գրախոսականներ, սեմինարներ, սոցիալական ցանցերում գիտահանրամատչելի նյութերի ներկայացում, հաշվետվություն, զեկույց	1-ին եռամսյակ	45450.8
2	Ենթակառուցվածքի պահպանում, ընթացիկ հետազոտություններ	Շենքային, կոմունալ և աշխատանքային պայմանների ապահովում, «Մարդու, կենդանիների, բույսերի ֆունկցիոնալ և պոպուլյացիոն գենոմիկա և բջջային ակտիվության կարգավորում» ծրագրով նպատակադրված ընթացիկ հետազոտությունների իրականացում	Վարչարարական, փորձարարական և տեսական, գիտակրթական աշխատանք, տվյալների վերլուծություն և ամփոփում, հոդվածների, նախագծերի պատրաստում	Web of Science, Scopus շտեմարաններում ընդգրկված ամսագրերում գիտական հոդվածներ, գիտական նախագծերի ներկայացում տեղական և միջազգային կազմակերպություններ, գրախոսականներ, սեմինարներ, սոցիալական ցանցերում գիտահանրամատչելի նյութերի ներկայացում, հաշվետվություն, զեկույց	2-րդ եռամսյակ	56813.4
3	Ենթակառուցվածքի պահպանում, ընթացիկ հետազոտություններ	Շենքային, կոմունալ և աշխատանքային պայմանների ապահովում, «Մարդու, կենդանիների, բույսերի ֆունկցիոնալ և պոպուլյացիոն գենոմիկա և բջջային ակտիվության կարգավորում» ծրագրով նպատակադրված ընթացիկ հետազոտությունների իրականացում	Վարչարարական, փորձարարական և տեսական, գիտակրթական աշխատանք, տվյալների վերլուծություն և ամփոփում, հոդվածների, նախագծերի պատրաստում	Web of Science, Scopus շտեմարաններում ընդգրկված ամսագրերում գիտական հոդվածներ, գիտական նախագծերի ներկայացում տեղական և միջազգային կազմակերպություններ, գրախոսականներ, սեմինարներ, սոցիալական ցանցերում գիտահանրամատչելի նյութերի ներկայացում, հաշվետվություն, զեկույց	3-րդ եռամսյակ	56813.4

* Իրականացվելիք միջոցառումները ներկայացնել էռամսյակային փուլերով

	հետազոտություններ	ապահովում, «Մարդու, կենդանիների, բույսերի ֆունկցիոնալ և պոպուլյացիոն գենոմիկա և բջջային ակտիվության կարգավորում» ծրագրով նպատակադրված ընթացիկ հետազոտությունների իրականացում	գիտակրթական աշխատանք, տվյալների վերլուծություն և ամփոփում, հոդվածների, նախագծերի պատրաստում	ամսագրերում գիտական հոդվածներ, գիտական նախագծերի ներկայացում տեղական և միջազգային կազմակերպություններ, գրախոսականներ, սեմինարներ, սոցիալական ցանցերում գիտահանրամատչելի նյութերի ներկայացում, հաշվետվություն, զեկույց		
4	Ենթակառուցվածքի պահպանում, ընթացիկ հետազոտություններ	Շենքային, կոմունալ և աշխատանքային պայմանների ապահովում, «Մարդու, կենդանիների, բույսերի ֆունկցիոնալ և պոպուլյացիոն գենոմիկա և բջջային ակտիվության կարգավորում» ծրագրով նպատակադրված ընթացիկ հետազոտությունների իրականացում	Վարչարարական, փորձարարական և տեսական, գիտակրթական աշխատանք, տվյալների վերլուծություն և ամփոփում, հոդվածների, նախագծերի պատրաստում	Web of Science, Scopus շտեմարաններում ընդգրկված ամսագրերում գիտական հոդվածներ, գիտական նախագծերի ներկայացում տեղական և միջազգային կազմակերպություններ, գրախոսականներ, սեմինարներ, սոցիալական ցանցերում գիտահանրամատչելի նյութերի ներկայացում, հաշվետվություն, զեկույց	4-րդ եռամսյակ	68176.2
Ընդամենը						227253.8

Կազմակերպության
տնօրեն՝  (ԱՐՄԵՆ ԱՌԱՔԵԼՅԱՆ)
(ստորագրություն)

Ծրագրի գիտական ղեկավար՝  (ԱՐՄԵՆ ԱՌԱՔԵԼՅԱՆ)
(ստորագրություն)

Հավելված N 4
 «27» 01 2022
 N 7-77 պայմանագրի

ՆԱԽԱՀԱՇԻՎ
 «Մարդու, կենդանիների, բույսերի ֆունկցիոնալ և պոպուլյացիոն գենոմիկա և բջջային
 ակտիվության կարգավորում» ծրագրի

հազար դրամ

Հ/հ	Հոդվածի անվանումը	Ֆինանսավորման ծավալը	այդ թվում՝			
			1-ին եռամսյակ (20%)	2-րդ եռամսյակ (25%)	3-րդ եռամսյակ (25%)	4-րդ եռամսյակ (30%)
1	աշխատավարձ՝ ներառյալ եկամտային հարկը	187696.8	31282.8	46924.2	46924.2	62565.6
2	տնտեսական և այլ ծախսեր	39557.0	14168.0	9889.2	9889.2	5610.6
ԸՆԴԱՄԵՆԸ		227253.8	45450.8	56813.4	56813.4	68176.2

Կազմակերպության
տնօրեն՝  (ԱՐՄԵՆ ԱՌԱՔԵԼՅԱՆ)
 (ստորագրություն)

Կազմակերպության
գլխավոր հաշվապահ՝  (ՏԻԳՐԱՆ ԿԻՐԱԿՈՍՅԱՆ)
 (ստորագրություն)



Հավելված N 4.1
 N 27 / 01 2022
77 պայմանագրի

ՆԱԽԱՀԱՇՎԻ ՏՆՏԵՍԱԿԱՆ ԵՎ ԱՅԼ ԾԱԽՍԵՐ՝

Հ/հ	Ծախսերի անվանումը	Ֆինանսավորման ծավալը, առանց ԱԱՀ (հազար դրամ)
1	Կոմունալ ծառայություններ, այդ թվում՝	25100.0
	էլեկտրաէներգիայի ծառայություն	12000.0
	գազի ծառայություն	9000.0
	ջրամատակարարման ծառայություն	1900.0
	կապի ծառայություն	1700.0
	աղբահանություն	500.0
2	Գույք	
3	Սարքեր և սարքավորումներ	
4	Նյութեր	14457.0
5	Գործուղումներ	
6	Գիտական միջոցառումների կազմակերպում	
7	Արշավախմբեր	
8	Հրատարակման ծախսեր	
	
Ընդամենը		39557.0

Կազմակերպության տնօրեն՝ _____ (ԱՐՄԵՆ ԱՌԱՔԵԼՅԱՆ)
 (ստորագրություն)

Կազմակերպության գլխավոր հաշվապահ՝ _____ (ՏԻԳՐԱՆ ԿԻՐԱԿՈՍՅԱՆ)
 (ստորագրություն)



* Բուժներում իրականացվող ծրագրերի համար չի լրացվում

